

古

謠

諺

古謠諺卷八十三

秀水杜文瀾輯

胡溫喜鵲歌

明詩綜

卷十
五下

胡溫字遵道會稽人注載靜志居

詩話溫異人也少落魄湖海間後入閩性好飲
不常得人方置酒不問主客徑造飲酒盡不謝
而去漳帥徐玉好士溫特過其家一日告徐玉
曰吾將歸矣負橐行三舍爲關卒阻而回發橐
中只有硯一易酒飲之起舞作喜鵲之歌歌畢

仰戶而死時洪武七年冬也玉葬之漳州西門

外

閩山喜鵲少越山喜鵲多如何不歸去其奈羅網何

清真觀童子歌

明詩綜

卷九十九

崑山柴奇讀書於清真觀夜二鼓

月色如晝忽見五童子披鶴氅麾羽扇從空而

下爲迴波之舞歌曰

二云

見周元暉涇林續記

駕而風兮策而霆乘白鶴兮入蒼冥山青青兮海激激
璧爲月兮珠爲星駕赤蚪兮上三元冥水瀟瀟兮嶽亭亭

京師爲何灑語

明詩綜

卷一百一

永樂中仁和何灑官刑曹郎持法

不避貴勢京師語曰

毋縱誕避何鐵面

時人爲羅崇嶽陳瑛王倫語

明詩綜

卷一百一

景泰癸酉廬陵羅崇嶽舉順天鄉

試第一以詭籍斥還後二年大學士陳循子瑛

王文子倫入試皆不得舉有旨特賜舉人時人

語曰

榜有姓名還是學生榜無名氏京闈貢士

時人爲李東陽王九思等語

明詩綜

卷一百一

茶陵李東陽等爲翰林長而王九

思等爲簡討時人語曰

上有三老下有三討

京師爲沈文華語

明詩綜

卷一百一

宏治中鍾祥沈文華爲刑部員外

郎事多平反京師語云

有事勿忙須問沈郎

時人爲張寅孔天允語

明詩綜

卷一百一

蘇州張寅仲明中正德辛巳進士

知安州浚牙家港築堤暇則與士子講學時孔

天允知祁州亦以才見重時人語曰

有所疑問安祁莫憂竦有張孔

東鹿邑人爲蘇祐語

明詩綜

卷一百一

濮州蘇祐補東鹿知縣邑多囚繫

下車一日釋數百人明日革罷徭車三十兩又

明日有詔召東鹿令邑人語曰

三日官府百年父母

時人爲黃道月語

明詩綜

卷一
百

萬厯中合肥黃道月好挾少年岸

幘衣半臂紫袷坐驄馬挾彈游西山時人從之

語云

得山禽從舍人

燕人八達嶺諺

明詩綜

卷一
百

過了八達嶺征衣添一領

北地柳酒諺

明詩綜

卷一百一

駱駝見柳渴羌見酒

時人爲曹時中曹泰語

明詩綜

卷一百一

華亭曹時中與兄泰隱富林以詞

翰自老時人語曰

富林二曹一時人豪

興化民爲孫璽歌

明詩綜

卷一百一

嘉興孫璽知揚州興化縣事有土

古謠諺

卷八十三

曼陀羅華閣

豪徐恩入貲爲千戶交結權貴橫行鄉里璽以
法殺之民歌曰

彼惡人兮虎翼而飛惡人旣殺兮公瘠我肥

嘉靖中童謠二則

明詩綜

卷一百一

賣槍纓人上城

茄頭下人走馬

留都爲劉自強語

明詩綜

卷一百一

扶溝劉自強嘉靖中官應天府尹

尋轉都察院右都御史進戶部尙書再改兵部
居官峻法一尙書囑以事怒曰賊吏敢爾邪起
奮筆仆其隸人留都爲之語曰

尙書賊輿臺僵矯矯劉公洵自強

吳人爲文震孟語

明詩綜

卷一百一

長洲文震孟性孝友居翰苑未踰

年罷官家居吳人語曰

求忠臣須孝子繫爲誰文文起

興化民爲陸某歌

明詩綜

卷一百一

廬陵陸某知揚州興化縣事將入

覲報政民歌之曰

昔來何遲今去何速惠我弗終昭陽之陸

涇縣民爲高承埏歌

明詩綜

卷一百一

嘉興高承埏知涇縣將去民歌之

曰

眄公車來何暮計公程去何馬公內召我何之急攀轅
告上司上司揚言不可止入都門見天子

如臯邑民爲王崣生語

明詩綜

卷一百

長山王岬生中崇禎庚辰進士知

揚州如臯縣事性愛蓄蝶民有罪當笞者輸蝶得免羅致千百召客飲縱之以爲樂邑人語曰

隋堤螢火輟縣官放蝴蝶

南京童子爲馬阮謠

明詩綜

卷一百

一匹馬走天下騎馬誰大耳兒

原注引靜居詩話指士英阮大鍼也時又有對

聯云闖賊無門匹馬橫行天下元凶有耳一兀坐擾中原

吳諺二則

明詩綜

卷一百一

官糶辦便無飯

南道如虎升官半府

吳中諺四則

明詩綜

卷一百一

有利無利但看二月十二

原注花朝日晴則百果多實

三月溝底白沙草變成麥

原注三月無雨麥乃有收

六月不熱五穀不結

除夜犬不吠新年無疫癘

原注除夜宜靜

常州人爲江陰無錫語

明詩綜

卷一百一

江陰莫動手無錫莫開口

原注江陰人拳勇無錫人善歌

惠山街謠

明詩綜

卷一百一

惠山街一名綺塍街夾路古藤喬

木謠云

惠山街五里長踏花歸鞵底香

解州民爲吳惠歌

明詩綜

卷一百一

永樂中浮梁吳惠知解州民歌曰

吳父母恩何溥昔憔悴今鼓舞

山西民爲徐暹語

明詩綜

卷一百一

正德中歷城徐暹爲山西副使時

有巨寇號混天王劫掠郡縣暹以計平之民乃

語曰

不發一矢賊乃盡死不荷厥戈賊死實多

山東福建民爲吳山謠二則

明詩綜

卷一百一

吳江吳山爲山東副使獄無滯囚

時有塞井復潔民爲謠云云旣而遷福建按察

使聽訟明允民又謠云云

彼泥者泉弗浚而復錫我則福

鳳之棲其雛來儀民具是依

諸城卷簾莊諺

明詩綜

卷一百一

諸城縣漢王山西南五里有卷簾

莊雖嚴冬無霜降邑人諺云

卷簾莊秋冬不下霜

德州苦水鋪諺

明詩綜

卷一百一

德州苦水鋪土人素狡諺云

苦水鋪神仙過留筒布

太康民爲韓翊謠

明詩綜

卷一百一

博興韓翊令太康多異政蝗不入

境民謠曰

欲蝗不復墮須是韓公過欲蝗不爲災須是韓公來

禹州人爲潘恩歌

明詩綜

卷一百一

上海潘恩知禹州州人語曰

莫相仇避潘侯

臨洮民爲劉昭歌

明詩綜

卷一百一

潞城劉昭宣德中爲臨洮尹多仁

政民歌曰

野有流民惟侯集之邑有田疇惟侯闢之古人謹獄惟
侯哀之有此三惠孰不懷之

紹興民爲羅以禮歌

明詩綜

卷一百一

桂陽羅以禮永樂中守紹興寬猛

得宜遇雨暘不時往禱輒應民歌曰

太守羅以禮祈晴得晴祈雨得雨

紹興民爲洪楷洪珠歌

明詩綜

卷一百一

莆田洪楷從子珠後先知紹興府

崇尙名教人歌之曰

大洪小洪先後同風

紹興民爲湯紹恩歌

明詩綜

卷一百一

安岳湯紹恩爲紹興守瀕海潮至

渰沒田舍紹恩爲築隄建閘以時蓄洩闢田數千畝越人歌之曰

泰山巔高於天長江水清見底功名如山水萬古留青

史

紹興人爲李僑李某語

明詩綜

卷一百一

長清李僑嘉靖中知紹興府多惠

政時知山陰縣事李某不得於民每出則以兩鐵索前導而僑必懸兩爐焚香越人語曰

府香爐縣鐵索一爲善一爲惡

平湖民爲俞璫諺

明詩綜

卷一百一

平湖俞璫字廷貴有行誼熊卓知

縣事引與計事行之民輒曰神明或干以私遂謝弗與通里人諺曰

郭東俞生當春握冰

嘉興士民爲洪範楊繼宗語

明詩綜

卷一百一

金溪洪範知嘉興縣事承知府楊

繼宗之後廉靜寡欲士民語云

洪令楊守承前啟後

狸斑童謠

明詩綜

卷一百一

狸斑斑跳過南山南山北斗獵迴界口界口北面二

十弓箭

原注載靜志居詩話云此子童穉日偕閭巷小兒聯臂踏足而歌者不詳何義亦未有驗

建昌民爲賈訪謠

明詩綜

卷一百一

嶧縣賈訪宏治中爲建昌推官大

璫至廷辱郡守以下官訪獨與抗禮民謠云

知府一堆泥同知一出土若非賈推官壞了建昌府

南豐民爲馮堅歌

明詩綜

卷一百一

通州馮堅洪武中爲南豐典史

原注

一作南豐知縣海陽戴瑀

政平訟理民懷其德歌曰

山市晴山鳥鳴商旅行農夫耕老瓦盆中列酒盈呼蹕

隳突不聞聲

南豐民爲陳勉歌

明詩綜

卷一百

建德陳勉景泰中爲南豐知縣百

廢具舉民歌之云

大尹陳政事新男耕女織歌陽春

安仁百姓爲洗光語

明詩綜

卷一百

南海洗光正德中知安仁縣能辨

疑獄百姓語曰

民無冤訟有洗燈籠訟無滯屈有洗三日

九江里人爲萬衣語

明詩綜

卷一百一

萬衣爲南京刑部主事頻夢其父

心動請急歸抵家九日父沒里人爲之語曰

萬孝子生知死

時人爲吳夢相語

明詩綜

卷一百一

晉江吳夢相爲建昌府推官遷南

京大理評事時人語曰

吳公吳公行李皆空公道服人私情不通

時人爲磁工吳十九語

明詩綜

卷一百一

浮梁人吳十九善製磁器士大夫

多與之游時人語云

成窰太薄永窰厚天下馳名吳十九

萬安上灘諺

明詩綜

卷一
百

一灘高一丈南安在天上

萬載里人爲翟昌甫諺

明詩綜

卷一
百

萬載翟昌甫家貧樂道好讀書春

夏移書於佛塔秋冬樓居里人諺

云

後以人

才舉爲郎

春夏塔秋冬樓風吹四面搖昌甫獨不憂

洪武間蒲圻童謠

明詩綜卷一百一蒲圻陳文禮字貴和洪武三年由

貢生授監察御史有冤獄久不決童謠一云文

禮悟曰罪人必康七也果如其言

斗穀三升米說與陳文禮

湖廣民爲王哲歌

明詩綜卷一百一清苑王哲爲湖廣布政使廉正嚴

明人不敢干以私歌之曰

王捕虎最執古囊無錢衣有補

漢陽民爲何澹歌

明詩綜卷一百一廣州何澹字中美以天順中進士

知漢陽府民歌之曰

何太守築漢陂飢得食寒得衣

武昌郡人爲陸邶謠

明詩綜卷一百一嘉善陸邶知武昌府郡人謠曰

陸青天口明月青天無不青明月有時缺

辰州苗民語

明詩綜卷一

不畏官軍但畏糶屯

原注引沈融谷云苗民負固恃有千萬山峒軍退則突出軍至則潛

藏惟官糧多築長圍困之其所畏也

辰州田家諺

原注翻志居詩話引廣信府志亦載此語

明詩綜

卷一百一

十日雨連連高山也是田

崇慶鄉人爲萬輔諺

明詩綜

卷一百一

崇慶俗尙浮屠萬輔居喪獨遵家

禮鄉人化之諺曰

萬輔一呼喪禮皆儒

蜀人爲支羅牛砦欄坪謠

明詩綜

卷一百一

蜀寇黃中據支羅砦與牛欄坪相

望里許萬山斗絕目爲天城謠云

打得支羅砦金珠滿船載打得牛欄坪換箇成都城

蜀中灑灑諺

明詩綜

卷一百一

灑灑冒頂黑石下井

興化民爲馮馴語

明詩綜

卷一百

正德中進士岳池馮馴守興化民

謠曰

馮太守來何遲胥吏瘠百姓肥

閩人爲高濂傳汝舟語

明詩綜

卷一百

一 布衣高濂傳汝舟從鄭善夫游學

爲詩閩人爲語曰

高垂股傅脫粟言斷斷中歌曲

惠安民爲葉春及歌

明詩綜

卷一百

一 隆慶中歸善葉春及知惠安縣民

愛之如慈父歌之曰

葉君爲政惟飲吾水設施不煩五風十雨

福建民爲商爲正龐尙鵬語

明詩綜

卷一百一

會稽商爲正萬厯初巡按福建與

巡撫都御史龐尙鵬協心共事百廢具興福建

語云

恤我甘苦龐父商母

莆田民爲吳彥芳歌

明詩綜

卷一百一

崇禎中新安吳彥芳爲莆田令有

惠政秩滿去新縣令催科嚴民乃思吳公歌曰
陽春何去霰雪何來父邪母邪繁惟我懷

武夷謠

明詩綜

卷一
百

一曲一灣一灣一灘

泉州人爲洛陽橋語

明詩綜

卷一
百

洛陽橋一望四里皆瓊瑤

順德民爲金蕃謠二則

明詩綜

卷一百一

嘉靖初餘姚金蕃知順德縣初政

尙嚴民謠

云

比及朞豪強斂獄訟減民復謠

云

云

朝鰓鰓毛厥施乎夕械械石厥畫乎勞乎勞乎盍燕以
敖乎

華蓋之屹屹不如尹之無泐碧鑑之粼粼不如尹之無
津長我禾黍穀我士女吁嗟乎膏雨

順德民爲胡友信謠

明詩綜

卷一百一

德清胡友信宰順德邑多盜懼民

輕法頗猛厲凡獲賊腊其鼻或投諸淵聞者震

驚謠曰

山有虎邑有胡無將其鬚

惠州民爲鄭天佐歌

明詩綜

卷一

福州鄭天佐爲惠州通判善折獄

民歌之曰

縣遲延府一年但懇鄭青天訟無滯民不冤

雷州民爲黃敬歌

明詩綜

卷一

永樂中天台黃敬知雷州府先是

郡多囚繫敬至數日悉爲剖決獄盡空民歌之

曰

黃公來遲使我無依今公莅政惠我無私

瓊州民爲蠻黎岐謠

明詩綜

卷一百一

瓊州蠻黎岐習馳射自稱神弓萬

歷十四年爲官兵所敗請降民謠云

弛神弓來歸降

儋州事神諺

明詩綜

卷一百一

儋俗事神有上帝會天妃會鄧天

君會羊元帥會變與五采迎神十百大饗於村

中景泰天順間諺云

柳英有銀兒子跳神洪全有金阿母賣鍼

廣東物產諺四則

按原本有蛇珠千枚不及玫瑰已見述異記不錄

明詩綜

卷一百一

飢食荔枝飽食黃皮

原注黃皮果狀如金彈六月熟其漿酸而除暑熱與荔枝並進荔枝

饜飲以黃皮解之

潤蚌之胎有玫瑰文魷之腹有美玉

文魷鳴美玉生

原注高州海中有文魷鳴似磬而生玉

古諺諺

卷八十三

曼陀羅華閣

多食馬蘭少食芥藍

原注馬蘭食之養血芥藍不宜多食

廣州物產諺五則

明詩綜

卷一百一

爾有垣牆我有火秧

原注火秧叢生成樹四稜有芒刺廣人以作籬落

嬰兒瘦探石馱

原注石燕產西樵巖穴中足生翼末小兒羸瘦取食之

秋冬食麀春夏食羊

霜蟹雪螺味不在多

石灣瓦勝天下

韶州牯牛灘諺

明詩綜

卷一百

韶州水急至險者爲牯牛灘舟子

語云

過得牯牛舟子白頭

大廟峽歌

明詩綜

卷一百

清溪濛裏

原注二驛名路多虎

早眠晏起

瓊州海水香木諺二則

明詩綜

卷一百

瓊州以海水占年海水熱則荒諺

曰

海水熱穀不結海水涼禾登場

海南多陽一木五香

夢溪筆談卷二十二酉陽雜俎記事多誕其間敘草木異物尤多謬

妄率記異國所出欲無根柢如云一木五香根旃檀節沉香花雞舌葉藿香膠薰陸此尤謬旃檀與沉香兩木元異雞舌卽今丁香耳今藥品中所用者亦非藿香自是草葉南方至多薰陸小木而大葉海南亦有薰陸乃其膠也今謂之乳頭香五物迥殊原非同類

瓊州檳榔米糲諺

明詩綜

卷一百

瓊州東界地瘠以羊骨壅田終無

獲腴壤多在西故諺云

東路檳榔西路米糲

時人爲花瓦氏征倭語

明詩綜

卷一百

田州女土官瓦氏嘉靖十四年調

之征倭至蘇州索有司捕蛇爲軍中食敗倭於

王江涇時人語云

花瓦家能殺倭腊而啖之有如蛇

永寧人爲土知府語

明詩綜

卷一百

雲南永寧蠻塞矢不刺非於宣德

四年糾合四川鹽井衛土官馬刺非殺永寧土

知府各吉八合己命卜撒襲職矢不刺非復殺

之永寧人語云

土官數奇逢兩刺非

曲靖民爲焦韶歌

明詩綜

卷一百

成化中灌縣焦韶知曲靖府境產

瑞禾民歌曰

禾本二穗嘉穀滿田太守焦公仁德及天

貴州民爲楊純謠

明詩綜

卷一百

鄰水楊純以監察御史按貴州任

滿百姓乞留一年詔許之民乃謠曰

鄰水楊但願年年巡貴陽

貴州風土諺

明詩綜

卷一百一

黃平鐵興隆雪

黔中風土諺二則

明詩綜

卷一百一

四月八凍殺鴨

九月重陽移火進房

廣元民爲陳表歌

明詩綜卷一 印江陳表知廣元縣事與利州衛

雜處軍強民弱表申明制度以服武弁民歌曰

古來力役軍三民七陳父定之彼此畫一家用平康勞者獲息

明代翰林諺

明詩綜卷一

翰林九年就熟去寒

蘭江酒諺

明詩綜卷一

金家梁舊酒香

滴水灣父老爲泰公歌

兩浙輜軒錄

卷三十八

馮賡雪滴水灣詩自注當時

父老歌云

黃山環滴水灣泰公討賊在此間東接洪洋西草菅賊
旗搖曳愁人顏泰公討賊何時還

按泰公卽元末忠臣泰不華也

時人爲馬士英謠

清芬集劉中柱題桃花扇傳奇詩至寶帶進奸

五
僧手江南錢塞馬家口西邸紛紛日賣官監紀
如羊職方狗自注當時謠曰

監紀多如羊職方賤似狗掃盡江南錢填塞馬家口

古謠諺卷八十三終

古謠諺卷八十四

秀水杜文瀾輯

王丞相客引俗諺

中山詩話王丞相嗜諧諠一日論沙門道因曰

投老欲依僧客遠對曰云王曰投老欲依僧

是古詩一句客亦曰云是俗諺全語上去投

下去腳豈不的對也王大笑

閑時不燒香

此句原本無據
宦游紀聞補

急則抱佛腳

宦游紀聞則
作來又云

雲南之南一番國其俗尙釋教有犯罪應誅者其國主
捕之其人恐急奔往某寺中抱佛腳知悔過願髡髮爲

古謠諺

卷八十四

曼陀羅華閣

僧不敢蹈前非主許之竟賞其罪遂髡髮環耳衣禪衣
守禪教故其國爲僧者多常有人入中國皆自稱番僧
而莫知其故俗諺
云云蓋本指此

陳師道引俗語

後山詩話熙寧初有人自常調上書迎合宰相
意遂丞御史蘇長公戲之曰有甚意頭求富貴
没些巴鼻使姦邪
云云皆俗語也

有甚意頭没些巴鼻

某守與客引俗諺聯句

後山詩話某守與客行林下曰
云云客顧其倅

晚食菱方得對云
云皆俗諺全語也

柏花十字裂菱角兩頭尖

葛立方引俗言

韻語陽秋

卷十俗言云

云言揚州天下之樂國

如韋應物詩云雄藩鎮楚郊地勢鬱岿巖嚴城
動寒角曉騎踏霜橋杜牧云秋風放螢苑春草
門雞臺二十四橋明月夜玉人何處教吹簫等
句猶未足以盡揚州之美至張祜詩云十里長
街市井連月明橋上看神仙人生只合揚州死

禪智山光好墓田則是戀嫪此境生死以之者
也

腰纏十萬貫騎鶴上揚州

案此二語見殷芸小說本不作俗言然葛氏或別有
據故仍存之

楚人爲粳米鰾魚語

韻語陽秋

卷十

縮項鰾出襄陽以禁捕遂以槎

斷水因謂之槎頭縮項鰾孟浩然云魚藏縮項
鰾老杜云謾釣槎頭縮項鰾皆言縮項而東坡

乃謂一鈎歸釣縮頭鰠或疑坡爲平側所牽不

知云

蘇詩卷十四瀟泉亭詩王注引作諺

長腰粳米縮頭鰠魚

馮氏應榴云他書引楚人語亦作縮項葛氏此條爲先生詩斡旋可

不必也又後別黃州詩王本次公注作縮頭瀟泉亭詩王注頭作項

胡仔引俚語論世事

苕溪漁隱叢話世間俚語往往極有理者如云

云

若能踐此言豈有不省事乎又云云若

能守此戒豈復爲酒困乎

聞事莫說問事不知閑事莫管無事早歸

少喫不濟事多喫濟甚事有事壞了事無事生出事

石塔寺諺

茗溪漁隱叢話東坡守維揚有石塔寺試茶詩
云禪窗麗午景蜀井出冰雪坐客皆可人鼎器
手自潔正謂諺云云也

三不點

韋居安引俗語

梅磻詩話泉南林洪字龍發號可山肄業杭泮
粗有詩名理宗朝上書自稱和靖七世孫冒杭

貫取鄉薦刊中興以來諸公詩號大雅復古集
亦以已作附於後時有無名子作詩嘲之曰和
靖當日不娶妻只留一鶴一童兒可山認作孤
山種正是瓜皮搭李皮蓋俗語以強認親族者

爲二云

二云

瓜皮搭李樹

老手窮嘴俚語

栗齋詩話俚語對偶云

老手舊臆膊窮嘴餓舌頭

仕宦俗諺

瀛奎律髓

卷六宦情類

劉賓客罷姑蘇北歸渡揚子

津詩原評俗諺云於仕宦謂

云

云

凡初至官者

乃任事之始未知其終也故不賀解官而去則所謂善終者也故賀

賀上不賀下

秋景俗語

瀛奎律髓

卷十二秋日類

歐陽永叔秋懷詩西風酒旗

市細雨菊花天原評俗閒有云

云

本此

香橙螃蟹月新酒

通俗編卷三十作細雨

菊花天

范石湖引吳諺

羸奎律髓

卷十六節序類

范石湖丙午新正書懷詩口

不兩匙休足穀原注吳諺云

一口不能插兩匙

楊慎引諺二則釋謝朓詩

升菴詩話

卷二

謝朓酬王晉安詩南中榮橘柚寧

知鴻雁飛後人不解此句之妙晉安卽閩泉州

也南中榮橘柚卽諺云

云

也甯知鴻雁飛卽

古諺

卷八十四

曼陀羅華

諺云

云

也樹不凋雁不到本是瘴鄉乃以美

言之此是隱句之妙

樹蠻不落葉

明詩綜卷一
百樹作山

地蠻湯自熱

原本無此句
據明詩綜補

雁飛不到處

又引俗語釋鄉里

升菴詩話

卷三

俗語云

云

言鄉不離里如夫不

離妻也古人稱妻曰鄉里沈約山陰柳家女詩

曰還家問鄉里詎堪持作夫南史張彪傳曰我

不忍令鄉里落他處姚令威曰會稽人曰家其

義同也見西溪叢語

鄉里夫妻步步相隨

又引俗語駁黃山谷解杜詩

升菴詩話

卷八

杜子美詩雲壑布衣鮐背死勞生

害馬翠眉須蓋紀明皇爲貴妃取荔枝事也言
布衣抱道有老死雲壑而不徵者乃勞生害馬

以給翠眉之須何爲者耶其旨可謂隱而彰矣

山谷謂雲壑布衣指後漢臨武長唐羌諫止荔

枝貢者此俗所謂

云

矣山谷尙如此又何以

賁黃鶴蔡夢弼輩乎

厚皮饅頭夾紙燈籠

又引南宋人諺釋弓鞋

升菴詩話補遺

卷下

唐人舞妓皆着靴杜牧之贈

妓詩曰舞靴應任傍人看黃山谷贈妓詞云便

從伊穿鞮弓鞋則汴宋猶似唐制至南渡頭妓

女窄襪弓鞋如良人矣故當時有

云

之諺云

蘇州頭杭州腳

元時人爲四詩人語

詩藪外編李孝先季和東甌人古詩歌行豪邁

奇逸如驚蛇跳駿不避危險當時語曰

云云謂

廉夫也至近體多澁拗短長失正與楊同大槩

視前人瑰崛過之雅正則遠

前有虞范後有李楊

案虞謂虞集范謂范梈也

趙明誠聞夢中人語

詞統趙明誠夢人告之曰

云

云後娶李易安爲

妻始信夢中之語乃詞女之夫四字也

分類字錦卷十

二引瑯環記趙明誠幼時其父將爲擇婦明誠晝寢夢誦一書覺來惟憶三句云云以告其

父其父爲解曰汝待得能文詞婦也言與司合
是詞字安上冠脫是女字芝芙草拔是之夫二
字非謂汝爲詞女之夫乎後李翁
以女女之卽易安也果有文章

言與司合安上冠脫芝芙草拔

瑯環記
冠作已

時爲何桌郭孝友潘昉諺

詞品

卷五

潘昉字庭堅號紫巖乙未何桌榜及第

第三人美姿容時有諺云

云

也庭堅以氣節

聞於時詞止南鄉子一首草堂所選是也

事文類聚

別集卷二十八引上庠錄政和丙申殿試何桌
爲狀元潘良貴次之皆年少有風貌而第三人
郭孝友頗古怪唱名日阿出御街觀者皆日云
云也馬氏日瑋云案政和元年丙申應作乙

未

狀元眞何郎榜眼眞郭郎探花眞潘郎

上庠錄作狀元眞何郎榜眼眞

潘郎第三
人眞郭郎

南京爲花綸練子寧黃觀諺

詞品拾遺

卷下

杭州花綸年十八黃觀榜及第二

人初讀卷官進卷以花綸第一練子寧第二黃

觀第三御筆改定以黃第一練第二花第三南

京諺有

云

之語故後人猶以花狀元稱之其

科題名記及登科錄皆以黃練二公死革除之

難刻毀故相傳多誤花有詞藻其風致不減元人

花練黃黃練花

古謠諺卷八十四終

古諺諺卷八十五

秀水杜文瀾輯

農家諺

漢崔寔輯

冬青諺

冬青花不落濕沙

案崔氏四民月令世有輯本農家諺僅見於說郛其中諺語大半皆出於漢以後疑後人采輯諺語因四民月令而附會之非崔氏之書也今將他書所有者分別析出此一條無可歸附姑存於此

古今風謠

明楊慎輯

茂陵中書歌

都荔遂芳美磴鼓行

後漢黎陽張公謠

公與守相駕蜚魚往來倏忽遠熹娛祐此兆民甯厥居

太康末京洛楊柳歌

春風尙蕭條去故來入新苦辛非一朝折楊柳愁思滿

腹中歷亂不可數

是時二楊貴盛而被誅滅太后幽死宮中折楊柳應也

隋大業長白山謠

吳本落謠字今據李本補古音餘卷二隋上有河洛二字

長白山前知世郎純著紅羅綿背襠長稍侵天半輪刀
耀日光上山喫獐鹿下山喫牛羊忽聞官軍至提刀向
前盪譬如遼東死斬頭何所傷

宋元

元當作靖

康末市井謠

喝道一聲下階齊脫了紅繡鞋

後金人入汴宮人皆驅逐北行

元至正中燕京童謠

三則案此條首一則已見石癡別錄

陰涼陰涼過河去日頭日頭過山來

脚驢斑斑脚踏南山南山北斗養活家狗家狗磨麩三
十弓箭上馬琵琶下馬琵琶驢蹄馬蹄縮了一隻

元明宗時童謠

牡丹紅禾苗空牡丹紫禾苗死

明帝在位五年而崩廟諱乃和字也

元末湖湘中童謠

不怕水中魚只怕岸上豬豬過水見糠止

案楊氏此書所錄之謠其采自各書者俱已照本書
次序析入各卷其出處無可檢尋者仍附於右其中
於例不應收者統歸附錄

古今諺

明楊慎輯

諺語

春寒四十五貧兒市上舞

另條作窮漢出來舞

貧兒且莫誇

另條貧兒

作窮漢

且過桐子花

商陸子熟杜鵑不哭

吳諺楚諺蜀諺滇諺

早霞紅丟丟晌午雨瀏瀏晚了紅丟丟早晨大日頭

官糧辦便無飯

吳諺

樓梯天晒破磚

反賊劉千斤賊官姚萬兩

褒彈是買主喝采是閑人

淮南刺我行者欲與我交訾我貨者欲與我市

古謠諺

卷八十五

曼陀羅華閣

服藥千裹不如一宵獨臥服藥千朝不如獨臥一宵
戊午己未甲子齊便將七日定天機七日有雨兩月泥
七日無雨兩月灰

甲寅乙卯晴四十五日放光明甲寅乙卯雨四十五日
看泥水

壬辰裝擔子癸巳上天堂甲午乙未雨茫茫

執破無雨危成當災

二月杏華勝可留沙

留畚之留音
俶載之載

蝦蟆鳴燕來睇通道路修溝隄

稼欲熟收欲速

螃蟹怕見漆豆花怕見日

五月鋒八月耩

鋒鋤也耩壅苗根

槐兔目棗鷄口桑蝦蟆眼榆負瘤

李賀詩別柳當馬頭官槐如兔目

榆莢脫桑椹落

伐木之時

花三泡四

水生之候也花見三尺泡四尺

秧苗針水莊家早起

東坡詩針水聞好語魯直詩秧針青刺水麥浪綠翻銀

木再花夏有雹李再花秋大霜

草木暉暉蒼黃亂飛

四
案楊氏此書所錄之諺其采自各書者俱已照本書
次第析入各卷其出處無可檢尋者仍附於右其中
於例不應收者統歸附錄

諺謨

明釋沈祿宏撰

俗諺

蒼蠅不叮沒縫鴨子

日間不作虧心事夜半敲門不喫驚

按諺謨未見原本據錢氏大昕恒言錄所引採之

原本

四條首一條已見雞肋編
第三條已見湧幢小品

古諺閒譚

國朝會廷枚輯

得意失意語

舊傳有里語四句領得意者云云云云好事者續以失意者四句曰云云此

八句可喜可悲之狀溢於言外

久旱逢甘雨他鄉遇故知洞房花燭夜金榜掛名時

寡婦攜兒泣將軍被敵擒失恩宮女面下第舉人心

案此條容齋隨筆引作詩詞會氏指爲俚語當別有據今姑錄存

案會氏此書所錄之諺其采自各書者俱已照本書次第析入各卷其出處無可檢尋者仍錄於右其中

於例不應收者統歸附錄

五

古謠諺卷八十五終

古謠諺卷八十六 附錄一

秀水杜文瀾輯

五子之歌

尙書五子之歌太康尸位以逸豫滅厥德黎民咸貳乃盤遊無度暋于有洛之表十旬弗反有窮后羿因氏弗忍距于河厥弟五人御其母以從俟于洛之汭五子咸怨述大禹之戒以作歌

其一曰

云

其二曰

云

其三曰

云

其四曰

云

其五曰

云

云

皇祖有訓民可近不可下

御覽卷八十二不作弗 王氏鳴盛尙書後案云周語單

襄公引書曰民可近也而不可上也韋昭注民可以恩
意近不可高上上陵也上讀上聲今乃改爲下不知其
上文云夫人性陵上者也又云獸惡其網民惡其上下
文云卻至在七人下而欲上之其有七怨則此句必當
作上不當作下偽作

民惟邦本本固邦甯予視天下愚

者不過圖叶韻耳
夫愚婦一能勝予一人三失怨豈在明不見是圖予臨

兆民慄乎若朽索之馭六馬爲人上者奈何不敬

御覽卷四

百三十二爲人

作居民不作弗

訓有之內作色荒外作禽荒甘酒嗜音峻宇雕牆有一

于此未或不亡

惟彼陶唐有此冀方今失厥道亂其紀綱乃底滅亡

王氏

鳴盛云哀六年左傳孔子論楚昭王不祭河神事引夏書云惟彼陶唐帥彼天常有此冀方今失其行亂其紀綱乃滅而亡僞作者既以己意改厥道而又刪帥彼天常一句又改乃滅而亡爲乃底滅亡且此章句句用韻若作厥道則句獨無韻己屬非是至文十八年史克曰傲很明德以亂天常則天常乃古語刪此一句便覺無力尤妄也又太康見拒尙未滅亡故復改之以爲其勢將至滅亡欲以此遷就其說皆非也

明明我祖萬邦之君有典有則貽厥子孫關石和鈞王府則有荒墜厥緒覆宗絕祀

嗚呼曷歸予懷之悲萬姓仇予子將疇依鬱陶乎予心

顏厚有忸怩

王氏鳴盛云閻若璩云爾雅釋詁篇鬱陶繇喜也郭璞注引孟子曰鬱陶思君禮記

古謠諺

卷八十六

附錄一

曼陀羅華閣

曰人喜則斯陶陶斯詠詠斯猶猶卽絲也邢昺疏皆謂
歡悅也鬱陶者心初悅而未暢之意也又引孟子趙氏
注云象見舜正在牀鼓琴愕然反辭曰我鬱陶思君故
來爾詭辭也忸怩而慙是其情也又引檀弓下鄭注云
陶鬱陶也據此則象曰鬱陶思君爾乃喜而思見之辭
故舜亦從而喜曰惟茲臣庶汝其于子治孟子固已明
下注脚曰象喜亦喜蓋統括上二段情事其先言象憂
亦憂特以引起下文非真有象憂之事大凡凶惡之人
偽爲憂尙易偽爲喜實難故象口雖云然而色則否趙
氏注一段頗爲傳神僞作古文者一時不察并竄入五
子之歌中曰鬱陶乎子心顏厚有忸怩不特敘議莫辨
而且憂喜錯認尙可謂之識字乎國語晉平公欲殺豎
襄叔向曰君其必速殺之勿令遠聞君忸怩顏乃趣赦
之注曰忸怩慙貌此忸怩亦記者敘事之詞不入口氣
與孟子一例乃知五子之歌
中曰顏厚有忸怩其謬顯然弗慎厥德雖悔可追

書序太康失邦昆弟五人須于洛汭作五子之歌

注馬

曰須止也 鄭注
曰避亂于洛汭

王氏鳴盛云真古文逸篇本有五子之歌遭亂亡失
此篇王肅輩僞撰故舛謬甚多卽以此節考之序曰
太康失邦不言失邦爲何離騷啓九辨與九歌兮夏
康娛以自縱不顧難以圖後兮五子用失乎家巷王
逸注言太康不遵禹啓之樂更作淫聲放縱情慾以
自娛樂不顧患難不謀後世卒以失國兄弟五人家
居閭巷失尊位也墨子非樂篇云于武觀曰啓子注
溢康樂野于飲食將將銘莧磬以力湛濁于酒渝食

于野萬舞弈弈章聞于天是太康失邦以淫樂不以
久改其謬一也襄四年晉魏絳對晉侯和戎之事云
夏訓有之曰有窮后羿此乃截半句法蓋魏絳將諷
晉侯好田因論和戎乘便欲引羿好田亡國事以爲
戒晉侯怪其方論和戎忽及后羿其言不次故不待
其辭之畢遽問曰后羿何如于是魏絳不便復引原
文但敘述其事以對云昔夏之衰后羿自鉏遷于窮
石因夏民以代夏政恃其射也不修民事注于原獸
寒浞虞羿于田羿將歸自田殺而烹之其下引虞箴

云在帝夷羿冒于原獸忘其國恤思其麀牡是則魏
絳之言始終欲引羿好田亡國以爲戒有窮后羿原
文之下其辭雖不可知以理推之必是言羿好田之
事必不但有因民弗忍云云而已乃僞撰者欲實太
康罪狀而未之考一時無措于有窮后羿句下竟無
羿事反取羿之田移之太康之身其謬二也

或疑有窮后羿

在五子之歌爲夏書與夏訓小別安知非各見者不知僞撰者正據夏訓爲夏書也篇中一則曰皇祖有訓再則曰訓有之其以夏訓爲夏書甚明杜預注左傳亦云夏訓夏書

再攷墨子所謂

武觀武五通武觀卽五觀五觀卽五子以其封于觀

故稱五觀水經注九卷淇水又屈逕頓邱縣故城西
古文尙書以爲觀地矣蓋太康弟五君之號曰五觀
者也逸周書卷六嘗麥解曰其在夏之五子忘伯禹
之命假國無正用胥興作亂遂囚厥國皇天哀禹賜
以彭壽思正夏略五子武觀也彭壽彭伯也汲郡古
文云帝啓十一年放王季子武觀于西河十五年武
觀以西河叛彭伯壽帥師征西河武觀來歸注云武
觀武觀也國在今頓邱衛縣紀年晉人僞撰不可盡
信而此條則與逸周書合當是也

漢志東郡有畔觀
縣蓋以嘗畔故名

魏世家惠王三年齊敗我
觀津徐廣亦曰觀今衛縣
蓋五子封觀作亂被伐來

歸其後又導太康以淫樂故王符潛夫論五德志篇
云夏后啓子太康仲康更立兄弟人皆有昏德不堪
帝事降須洛汭是謂五觀當日情事實是如此昭元
年傳夏有觀扈商有妣邳周有徐奄楚語士亶曰堯
有丹朱舜有商均啓有五觀湯有太甲文王有管蔡
是五王者皆元德也而有姦子韋昭注五觀啓子太
康昆弟也觀洛汭之地王應麟駁韋說云五子述大
禹之戒以作歌仁義之人其言藹如豈朱均管蔡之

比應麟爲晚晉僞古文所惑信其所可疑故反疑其所可信而不知韋說確不可易也漢書古今人表啓子兄弟五人號五觀列下中則已在下愚之列矣五子之歌必是史臣記五子淫樂致亡之事而豈五子所作之歌乎其謬三也

孫子引鄙語

韓詩外傳

卷四

客有說春申君曰今夫孫子者天

下之賢人也君藉之百里之勢臣竊以爲不便於君若何春申君曰善於是使人謝孫子孫子

去而之趙趙以爲上卿客又說春申君曰夫賢者之所在其君未嘗不善其國未嘗不安也今

孫子天下之賢人何謂辭而去春申君又云善

於是使請孫子孫子因僞喜謝之

戰國策楚策四作爲善謝

曰鄙語曰云

云此不恭之語也雖然戰國策吳師道校語

云一本此下有古無虛諺四字

不可不審也夫人主年少而放

無術法以知奸卽大臣以專斷圖私以禁誅於已也故捨賢長而立幼弱廢正直而立不善故

春秋之志曰楚王之子圉聘於鄭未出境聞王

疾返問疾遂以冠纓絞王而殺之因自立齊崔
杼之妻美莊公通之崔杼帥其君黨而攻莊公
莊公走出踰於外牆射中其股遂殺而立其弟
景公近世所見李兌用趙餓主父於沙邱百日
而殺之淖齒用齊擢閔王之筋而懸之於廟宿
昔而殺之夫痛雖癰腫痂疔上比遠世未至於
絞頸射股也下比近世未至擢筋餓死也夫劫
殺死亡之主心之憂勞形之苦痛必甚於癘矣
由是觀之痛雖憐王可也因為賦曰璇玉瑤珠

不知佩雜布與錦不知異閭娘子都莫之媒媼
母力父是之喜以盲爲明以聾爲聰以是爲非
以吉爲凶嗚呼上天曷維其同詩曰上帝甚愆
無自瘵焉

癘憐王

國策癘下有人字 長短經
是非篇注癘作厲亦有人字

汪氏中云按春申君請孫子孫子答書或去或就曾
不一言而泛引前世劫殺死亡之事未知其意何屬
且靈王雖無道固楚之先君也豈宜向其臣子斥言
其罪不知何人鑿空爲此韓嬰誤以說詩劉向不察

采入國策其敘荀子新書又載之斯失之矣此書自
癘憐王以下乃韓非子姦劫弑臣篇言文其言刻覈
舞智以禦人固非之本志其賦詞乃荀子侏詩之小
歌見於賦篇由二書雜采成篇故文義前後不屬幸
本書具在其妄不難破爾孫卿自爲蘭陵令逮春申
之死凡十八年其間實未嘗適趙亦無以荀卿爲上
卿之事本傳稱齊人或譏荀卿乃適楚詩外傳國策
所載或謂春申君之詞卽因此以爲緣飾周秦間記
載若是者多矣至引事說詩韓嬰書之成例國策載

其文而不去其詩此故奏之葛龔也

太和中百姓歌

晉書五行志下海西公太和中百姓歌曰

二云

二云

識者曰白者金行馬者國族紫爲奪正之色明以紫間朱也海西公尋廢其三子並非海西公之子縊以馬韉死之明日南方獻甘露焉

青青御路楊白馬紫遊韉汝非皇太子那得甘露漿

海西公時百姓歌

晉書五行志海西公初生皇子百姓歌云

二云

二云

其歌甚美其旨甚微海西公不男使左右向龍
與內侍接生子以爲己子

鳳凰生一雛天下莫不喜本言是馬駒今定成龍子

按海西公紀太和六年十一月癸卯桓溫自廣陵屯
于白石丁未詣闕因圖廢立誣帝在藩夙有痿疾嬖
人相龍計好朱靈寶等參侍內寢而二美人田氏孟
氏生三男長欲封樹時人惑之初桓溫有不臣之心
欲先立功河朔以收時望及枋頭之敗威名頓挫遂
潛謀廢立以長威權然憚帝守道恐招時議以宮闈

重闕牀第易誣乃言帝爲闔遂行廢辱帝知天命不
可再深慮橫禍乃杜塞聰明無思無慮終日酣暢耽
於內寵有子不育庶保天年時人憐之爲作歌焉據
此則當時之歌不一其辭彼歌係憐帝之辭今已無
考此歌爲誣帝之辭故入附錄

王琛引童謠

晉書石苞傳武帝踐阼遷大司馬進封樂陵郡
公加侍中羽葆鼓吹自諸葛誕破滅苞便鎮撫
淮南士馬強盛邊境多務苞旣勤庶事又以威

德服物淮北監軍王琛輕苞素微又聞童謠

潛確

類書卷二十七

云

作晉太始中謠曰

云

因是密表苞與吳人交

通先時望氣者云東南有大兵起及琛表至武帝甚疑之策免其官遣太尉義陽王望率大軍徵之以備非常又敕征東將軍琅邪王佃自下邳會壽春苞用掾孫鑠計放兵步出住都亭待罪帝聞之意解及苞詣闕以公還第

宮中大馬幾作驢大石壓之不得舒

御覽卷九百一宮作官潛確類書

幾作化爲

王敬伯與女子贈答歌

晉書逸文

據御覽卷五百七十七

王敬伯會稽餘姚人洲

渚中昇亭而宿是夜月華露輕敬伯撫琴而歌

明日亡女之靈

據續齊諧記亡女上當有劉惠明三字

告敬伯就

體如平生後婢二人敬伯撫琴而歌曰

云云女

乃和曰

云云

低頭下深幕垂月照孤琴空絃益霄淚誰憐此夜心

廣博

物志卷二十四引前秦錄頭作露益作咽霄作宵古琴疏頭作露益作咽

歌宛轉情復哀願爲烟與霧氤氳同共懷

古琴疏同共作共此

案王敬伯爲人無所表見晉書雖好收小說然未必泛濫及此疑御覽所引有誤續齊諧記載宛轉歌與此半同半異今兩存之

宋明帝自爲謠言

宋書王景文傳太宗卽位領揚州刺史時太子及諸皇子並小上稍爲身後之計諸將帥吳喜壽寂之之徒慮其不能奉幼主並殺之而景文外戚貴盛張永累經軍旅又疑其將來難信乃自爲謠言曰

云

云

一士王字弓長張字也景文

彌懼乃自陳求解揚州時上既有疾慮一旦晏
駕皇后臨朝則景文自然成宰相門族彊盛藉
元舅之重歲暮不爲純臣泰豫元年春上疾篤
乃遣使送藥賜景文死

一士不可親弓長射殺人

古謠諺卷八十六終

古謠諺卷八十七

附錄二

秀水杜文瀾輯

宋元徽末卞彬述童謠

南齊書高帝紀太祖與袁粲褚淵劉秉更日入直決事號爲四貴卞彬傳宋元徽末四貴輔政彬謂太祖曰外間有童謠云

云

尸著服褚字

邊衣也孝除子以日代者謂褚淵也列管簫也

彬退太祖笑曰彬自作此

南史卞彬傳齊高帝輔政袁粲劉彥節王

蘊等皆不同而沈攸之又稱兵反粲蘊雖敗攸之尙存彬意猶以高帝事無所成乃謂帝曰比

古謠諺

卷八十七

附錄二

曼陀羅華閣

聞謠云云云公頗聞不時蘊居父憂與粲同死
故云尸著服也服者衣也孝子不在日代哭者
褚字也彬謂沈攸之得志褚彥回當敗故言哭
也列管謂簫也高帝不悅及彬退曰彬自作此
可憐可念尸著服孝子不在日代哭列管慙鳴死滅族

南史下彬
傳慙作暫

張敬兒自爲謠言

南史張敬兒傳性好卜術信夢尤甚初征荊州
每見諸將帥不遑有餘計唯敘夢云未貴時夢
居村中社樹歟高數十丈及在雍州又夢社樹
直上至天以此誘說部曲自云貴不可言由是

不自測量無知又使於鄉里爲謠言使小兒輩

歌曰

云

敬兒家在冠軍宅前有地名赤谷始

其母於田中臥夢犬子有角舐之已而有娠而生敬兒故初名狗兒又生一子因狗兒之名復名猪兒宋明帝嫌狗兒名鄙改爲敬兒故猪兒亦改爲恭兒

天子在何處宅在赤谷口天子是阿誰非猪如是狗

定州賊爲楊津語

魏書楊津傳孝昌初加散騎常侍尋以本官行

定州事時賊帥薛脩禮杜洛周殘掠州境孤城
獨立在兩寇之間津貯積柴粟脩理戰具更營
雉堞賊每來攻機械競起又於城中去城十步
掘地至泉廣作地道潛兵涌出置爐鑄鐵持以
灌賊賊遂相語曰

不畏利槩堅城唯畏楊公鐵星

祖珽引魏世謠言

北齊書河間王孝琬傳文襄第三子也天保元
年封天統中累遷尚書令初突厥與周師入太

原武成將避之而東孝琬叩馬諫帝從其言周
軍退拜并州刺史孝琬以文宣世驕矜自負河
南王之死諸王在宮內莫敢舉聲唯孝琬大哭
而出又怨執政爲草人而射之和士開與祖珽
譖之云草人擬聖躬也初魏世謠言云珽以
說曰河南河北河間也金雞鳴孝琬將建金雞
而大赦帝頗惑之

河南種穀河北生白楊樹頭金雞鳴

曲巘祖珽爲斛律光構造謠言

北齊書斛律光傳字明月武平二年拜光左丞相又別封清河郡公光入常在朝堂垂簾而坐祖珽不知乘馬過其前光怒謂人曰此人乃敢爾後珽在內省言聲高慢光適過聞之又怒珽知光忿而賂光從奴而問之曰相王曠孝徵耶曰自公用事相王每夜抱膝歎曰盲人入國必破矣穆提婆求娶光庶女不許帝賜提婆晉陽之田光言於朝曰此田神武帝以來常種禾飼馬數千疋以擬寇難今賜提婆無乃闕軍務也

由是祖穆積怨周將軍韋孝寬忌光英勇乃作

謠言

云

云又曰

云

珽因續之曰

云

令小兒

歌之於路提婆聞之以告其母令萱萱以饒舌

斥已也盲老公謂珽也遂相與協謀以謠言啟

帝曰斛律累世大將明月聲震關西豐樂威行

突厥女爲皇后男尙公主謠言甚可畏也珽因

云正爾召之恐疑不肯入宜遣使賜其一駿馬

語云明日將往東山遊觀王可乘此馬同行光

必來奉謝因引入執之帝如其言頃之光至引

入涼風堂劉桃枝自後拉而殺之

百升飛上天明月照長安

本書祖珽傳及北史祖珽傳周書北史韋孝寬傳同北史

斛律光傳升作斗誤

三國典略照作耀

高山不推自崩榭樹不扶自豎

本書祖珽傳及北史祖珽傳均作高山崩榭樹

舉 周書北史韋孝寬傳推

作摧 三國典略豎作堅

盲眼老公

本書祖珽傳作盲老翁北史斛律光傳祖珽傳作盲老公

背上下大斧饒

舌老母不得語

本書祖珽傳及北史祖珽傳饒舌作多事

按本書祖珽傳字孝徵拜尚書左僕射勢傾朝野斛

律光甚惡之嘗謂諸將曰盲人掌機密來全不其我

輩語正恐誤他國家事又珽頗聞其言因其女皇后

無寵以謠言聞上曰

云

云

令其妻兄鄭道蓋奏之帝

問珽證實又說謠云

云

云

珽並云盲老翁云是臣與

國同憂戚勸上行語其多事老母以道女侍中陸氏

北史斛律光傳周將韋孝寬懼光乃作謠言令間諜

漏之於鄴曰

云

云

又曰

云

云

珽續之曰

云

云

周書韋

叔裕傳字孝寬孝寬參軍曲巖頗知卜靈謂孝寬曰

來年東朝又大相殺戮孝寬因令巖作謠歌曰

云

云

百升斛也又言

云

云

令謀人齎此文遺之於鄴祖孝

徵旣聞更潤色之明月竟以此誅據此則此謠前二
條本出於曲巘後一條則出於祖珽蓋展轉附會而
成也今故兼題巘珽之名焉

羣盜爲來整歌

隋書來護兒傳封榮國公子整武賁郎將右光
祿大夫整尤驍勇善撫士衆討擊羣盜所向皆
捷諸賊甚憚之爲作歌曰

長白山頭百戰場十五五把長槍不畏官軍十萬衆
只畏榮公第六郎

北史來護兒傳及長白山錄
十萬作千萬只畏作只怕

柳楷引諺言

北史蕭寶夤傳齊明帝第六子廢主寶卷之母弟也梁武剋建業遂委命伏訴闕下除鎮東將軍齊初秦州城人薛伯珍劉慶杜遷等反朝廷甚憂之除寶夤開府西道行臺爲大都督西征出師旣久兵將疲弊時山東關西寇賊充斥王師屢北人情沮喪寶夤慮見猜責內不自安朝廷頗亦疑沮及遣御史中尉酈道元爲關中大使寶夤謂密欲取己將有異圖問河東柳楷楷

曰大王齊明帝子天下所屬今日之舉實允人

望且謠言

云

武王有亂臣十人亂者理也大

王當理關中何所疑慮寶賚遂反

鸞生十子九子歿一子不歿關中亂

案鸞乃齊明帝之名明帝十一子舉

成數言之故稱十子也呂氏春秋明理篇雞卵多鵞淮南子原道訓獸胎不續鳥卵不鵞高注云獸不成胎曰鵞鳥不成卵曰鵞鵞音瀆鵞音段通鑑一百五十一鵞作鵞胡注云鵞卵壞也今說文有鵞無鵞鵞字下云卵不孚也不孚者壞而不育九子鵞一子不鵞者言明帝諸子皆歿而寶賚獨存也

張權輿為裴度造謠詞

舊唐書裴度傳穆宗即位長慶二年以度守司

徒平章事復知政事度與李逢吉素不協逢吉
代度爲宰相罷度爲左僕射俄出度爲山南西
道節度使不帶平章事長慶四年昭愍皇帝下
制復兼同平章事然逢吉之黨巧爲毀沮恐度
復用寶曆元年十一月度疏請入覲京師明年
正月度至帝禮遇隆厚數日宣制復知政事而
逢吉黨有左拾遺張權輿者尤出死力度自興
元請入朝也權輿上疏曰度名應圖讖宅據岡
原不召自來其心可見先是姦黨忌度作謠辭

云云

云

天口言度嘗平吳元濟也又帝城東西

橫亘六岡合易象乾卦之數度平樂里第偶當
第五岡故權輿取爲語辭昭愍雖少年深明其
誣謗獎度之意不衰姦邪無能措言

非衣小兒坦其腹天上有口被驅逐

案本書李逢吉傳昭愍卽位左右屢言裴度之賢帝
甚嘉之寶曆初度連上章請入覲逢吉之黨張權輿
撰非衣小兒之謠傳於閭巷而韋處厚於上前解析
言權輿所撰之言新唐書裴度傳逢吉旣代相思有

以牙蘖之引所厚李仲言張又新李續張權輿等內
結宦官醜沮日聞寶曆二年度請入朝權輿作偽謠
云云云參考二傳是此謠本出權輿偽造今故直題
權輿名

董昌將僭號時山陰老人偽獻謠

新唐書董昌傳累拜檢校太尉同中書門下平
章事爵隴西郡王昌得郡王咤曰朝廷負我何
惜越王不我與時至我當應天順人其屬吳繇
秦昌裕盧勤朱瓚董庠李暢薛遠與妖人應智

王溫巫韓媼皆贊之昌益兵城四縣自防山陰

老人偽獻謠曰

云

昌喜賜百縑乾寧二年卽

僞位國號大越

欲識聖人姓千里草青青

原本無今據廣記卷二百九十引會稽錄及全唐詩十二

補八

欲知天子名日從日上生

會稽錄天子作聖人全唐詩知天子作識聖

人

蜀人爲劉知俊作謠言

舊五代史梁書劉知俊傳時知俊威望益隆太

祖雄猜日甚知俊居不自安奔于鳳翔李茂貞

厚待之終慮猜忌夜斬關奔蜀王建待之甚至
卽授武信軍節度使再領軍伐岐不成功而還
蜀人因而毀之先是王建雖加寵待然亦忌之
嘗謂近侍曰吾漸衰耗恒思身後劉知俊非爾
輩能駕馭不如早爲之所又嫉其名者于里巷
間作謠言曰云知俊色黔而丑生椶繩者王
氏子孫皆以宗承爲名故以此構之僞蜀天漢
元年冬十二月建遣人捕知俊斬于成都府之
炭市

黑牛出圈椶繩斷

新五代史劉知俊傳椶作椶 廣記卷一百六十三引王氏見聞集及全

唐詩十二函入作黑牛無繫絆椶繩一時斷

至正十年河南北童謠

元史五行志二至正十年河南北童謠云

河渠志三

至正四年夏五月黃河暴溢朝廷患之訪求治河方略九年乃命集羣臣議廷中而言人人殊惟都漕運使賈魯昌言必當治十一年四月初四日命魯以工部尚書爲總治河防使十一月水土工畢河乃復故道先是歲庚寅河南北童謠云云云及魯治河果於黃陵岡得石人一眼而汝穎之妖寇乘時而起議者往往以謂天下之亂皆由賈魯治河之役勞民動衆之所致殊不知元之所以亡者實基於上下因循狃於晏安之習紀綱廢弛風俗偷薄其致亂之階非一

朝一夕之故所由來久矣設使賈魯
不興是役天下之亂詎無從而起乎

石人有雙眼

河渠志三有
雙作一隻

挑動黃河天下反

按諸書多言石人卽劉福通之黨所埋則謠言必福
通之黨所造庚寅卽至正十年蓋九年集議十年決
策十一年興工福通輩探知其事故豫爲此計以搖
惑人心也

李巖造謠詞

明史流賊李自成傳有安塞馬賊高迎祥者自
成舅也自稱闖王孫傳庭新除陝西巡撫銳意

滅賊禽迎祥於整屋獻俘闕下磔死於是賊黨
乃共推自成爲闖王矣自成性猜忍日殺人斫
足剖心爲戲所過民皆保塢壁不下杞縣舉人
李信者逆案中尙書李精白子也嘗出粟振饑
民民德之曰李公子活我信投自成自成大喜
改信名曰巖巖因說曰取天下以人心爲本請
勿殺人收天下心自成從之屠戮爲滅又散所
掠財物振饑民民受餉者不辨巖自成也雜呼
曰李公子活我巖復造謠詞

明季北略卷二十
八作眞保間謠

曰云

云

使兒童歌以相煽惑從自成者日衆

迎闖王不納糧

明季北略卷十九作穿他娘喫他娘開

了大門迎闖王闖王來時不納糧

忠節公遺集卷三

與伯兄秋圃書

引此謠作吃他娘着

他娘吃着不穀有闖王不當差不納糧大家快活過一場

古諺卷八十七終

古謠諺卷八十八

附錄三

秀水杜文瀾輯

魯生歌

華嶠後漢書

據何氏語林
寵禮篇注

趙壹字元叔漢陽縣

人體貌魁梧身長九尺美鬚豪眉望之甚偉恃

才倨傲爲鄉里所擯後屢抵罪幾至死友人救

得免乃作刺世疾邪賦以舒其怨憤

按賦文甚
繁今不錄

有秦客者乃爲詩曰河清不可俟人命不可延

順風激靡草富貴者稱賢文籍雖滿腹不如一

囊錢伊憂比堂上抗髀倚門邊魯生聞此辭繫
而作歌曰

勢家多所宜咳唾自成珠被褐懷金玉蘭蕙化爲芻賢
者雖獨悟所困在羣愚且各守爾分勿復空馳驅哀哉
復哀哉此是命矣夫

案華嶠後漢書在姚氏之駟所輯後漢書補逸內而
此條漏採今據何氏語林注錄之

又案後漢書趙壹傳引壹詩與此正同然不作魯生
歌故置彼錄此

讓入爲吳潛兄弟造童謠

宋季三朝政要

卷三

理宗景定元年七月貶吳潛

建昌軍尋徙潮州潛爲人豪雋其弟兄亦無所

附麗有讓於上者曰外間童謠云

云

此語旣

聞惑不可解而用之不堅亦以此也

錢塘遺事卷四丁大

全罷相吳潛代之庚申七月謫建昌尋徙潮州辛酉四月安置循州壬戌五月十八日卒

大蜈蚣小蜈蚣盡是人間業毒蟲資緣攀附有百尺若

使飛天能食龍

流賊爲王燾號

明季北略

卷十四

王燾南直崑山人崇禎時爲湖

廣德安府隨州知州戊寅二月賊首張獻忠合

衆數十萬圍城燾親冒矢石斬獲千級城守益

堅賊有

云

之號移營遁去撫按交上其功爲

守禦第一

隨州紙城變作鐵城

李自成僭號時民間口謠

明季北略

卷二十一

崇禎十七年四月二十九日李

自成稱帝三十日自成西奔宋獻策云我主止

可爲馬上王溷過幾年而已又口謠云

自成割據非天子馬上登臺未許年

李巖使小兒歌

明季北略

卷二
十三

自成既定僞官攻取河南李巖

進曰欲圖大事必先尊賢禮士除暴恤民今雖
朝廷失政然先世恩澤在民已久近緣歲饑賦
重官貪吏猾是以百姓如陷湯火所在思亂我
等欲收民心須托仁義揚言大兵到處開門納
降者秋毫無犯在任好官仍前任事若酷處人

民者卽行斬首一應錢糧比原額止徵一半則
百姓自樂歸矣自成悉從之巖密遣黨作商賈
四出傳言闖王仁義之師不殺不掠使小兒歌

曰

云

時比年饑旱官府復嚴刑厚斂一聞童

謠咸望李公子至矣第愚氓認李公子卽闖王
而不知闖王乃自成也李巖曾舉孝廉父某尙
書也故人呼巖爲李公子

朝求升暮求合近來貧漢難存活早早開門拜闖王管
教大小都歡悅

賊營中爲劉洪起謠

綏寇紀略補遺

卷下附錄
河南諸寨

劉洪起者西平鹽徒

與其弟洪超洪道結鄉井以自保又有洪勛洪

禮等號爲諸劉嘗乘夜遣人入賊中取其馬黨

與漸以盛官授爲西平都司沈萬登之在真陽

也李自成授以威武大將軍不受馬士英承制

命爲副總兵遂與劉洪起洪禮謀收復自注云

賊營中謠曰

云

劉字東橋扁頭其別號也

高點燈多熬油防備西平劉扁頭

古謠諺

卷八十八

附錄三

曼陀羅華閣

塗山歌

吳越春秋卷四禹三十未娶行到塗山恐時之暮

失其度制乃辭云吾娶也必有應矣乃有白狐

九尾造於禹禹曰白者吾之服也其九尾者王

之證也塗山之歌曰云明矣哉禹因娶塗山

謂之女嬌

綏綏白狐九尾虺虺類聚卷九十六御覽卷五百七十

引呂氏春秋卷九百九引吳越春

秋樂府詩集卷八十三甕牖閒評卷一風雅逸篇卷一

引琴操潛確類書卷一百十引呂氏春秋虺虺作麗麗

我家嘉夷來賓爲王成家成室

類聚及御覽卷九百九

潛確類書作成于家室

風雅逸篇作

我造彼昌

御覽卷五百七十卷九百九造
作都風雅逸篇造彼作都攸

成于室家類聚及潛確類

書作我都悠昌 天人之際於茲則行

樂府詩集風雅逸篇以明矣哉

三字入歌

案禹治水當堯之時不應遽言王瑞必依托也

時人爲翟鑾彭鳳謠

弇州別集高節歸州羅江人嘉靖進士授編修

三十三年甲辰節與編修彭鳳等同充房考是

歲取中少傅翟鑾二子汝儉汝孝刑科給事中

汪蛟王堯日論劾彭鳳高節朋私通賄大壞制

科大學士翟鑾以內閣首臣二子汝儉汝孝既連中鄉試又連中會試若持券取物然汝儉汝孝皆彭鳳所取詩同考官五人何俱在鳳一房

故有

云

之謠乞明正其辜上下其章遂勒鑾

並汝儉汝孝鳳俱爲民節充軍

明史翟鑾傳初嚴嵩之入閣也

鑾以資格居其上權遠出嵩下而嵩終惡鑾不能容會鑾子汝儉汝孝連捷鄉試會場嵩屬汪蛟王堯日劾其有弊鑾遂獲罪羅江縣志卷九人物門高節傳李氏調元贊曰其事起於嵩傾翟鑾而牽連被害則其不附嵩可知矣受賄之事莫必其有無識者察其原委而諒其心可也

一 變當道雙鳳齊鳴

古謠諺卷八十八終